

證道歌註

唐、永嘉禪師

非賣品

荃灣東普陀寺敬送

普爲施資
讀誦
回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
一切助成人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

一九八三年歲次癸亥孟冬
荃灣東普陀寺敬印

唐·永嘉禪師

證道歌註

功德書·非賣品

證道歌註并序

永嘉真覺大師乃祖席之英人也。法諱玄覺。少而落
彩。聰敏頗異。始者習天台智者教觀。卽左谿同時也。
於是遍歷講肆。叅尋知識。忽一日因覽涅槃大經洞
明法旨。卽往曹谿。六祖印可。祖嘆其深證。卽時遽然
告歸。少留一宿。故號爲一宿覺焉。則以所證法門。發
言爲歌。以警未悟。師復豫其冥感。卽時定中。觀見字
字化作金色。滿虛空界。自後天下叢林。無不知也。諸

方老人。或註或頌。以至梵僧傳歸印土翻譯受持。若
非深契佛心。其孰能與於此哉。彥琪山居暇日。因學
者所問。故樂爲其說。許彼所錄。錄成直叙其大略。題
於卷首。昔紹聖丁丑仲夏十八日。列岫軒書。

永嘉玄覺禪師證道歌

君不見。絕學無爲閒道人。不除妄想不求真。無明實性卽佛性。幻化空身卽法身。法身覺了無一物。本源自性天真佛。五蘊浮雲空去來。三毒水泡虛出沒。證實相。無人法。剎那滅却阿鼻業。若將妄語誑衆生。自招拔舌塵沙劫。頓覺了。如來禪。六度萬行體中圓。夢裏明明有六趣。覺後空空無大千。無罪福。無損益。寂滅性中莫問覓。比來塵鏡未曾磨。今日分明須剖析。誰無念。誰無生。若實無生無不生。喚取機關木人問。求佛施功早晚成。放四大。莫把捉。寂滅性中隨飲啄。諸行無常一切空。卽是諸佛大圓覺。決定說。表眞僧。有人不肯任情徵。直截根源佛所印。擇葉尋枝我不能。摩尼珠。人不識。如來藏裏親收得。六般神用空不空。一顆圓光色非色。淨五根。得五力。惟證乃知難可測。鏡裏看形見不難。水中捉月爭拈得。

常獨行。常獨步。達者同遊涅槃路。調古神清風自高。貌頓骨剛人不顧。
窮釋子。口稱貧。實是身貧道不貧。貧則身常披縷褐。道則心藏無價珍。
無價珍。用無盡。利物應機終不吝。三身四智體中圓。八解六通心地印。上士一
決一切了。中下多疑多不信。但自懷中解垢衣。誰能向外誇精進。
從他謗。任他非。把火燒天徒自疲。我聞恰似飲甘露。銷融頓入不思議。
觀惡言。是功德。此則成吾善知識。不因訛謗起冤親。何表無生慈忍力。
宗亦通。說亦通。定慧圓明不滯空。非但我今獨達了。恆沙諸佛體皆同。
獅子吼。無畏說。百獸聞之皆腦裂。香象奔波失却威。天龍寂聽生欣悅。
游江海。涉山川。尋師訪道爲參禪。自從認得曹溪路。了知生死不相關。
行亦禪。坐亦禪。語默動靜體安然。縱遇鋒刀常坦坦。假饒毒藥也閒閒。我師得
見燃燈佛。多劫曾爲忍辱仙。
幾回生。幾回死。生死悠悠無定止。自從頓悟了無生。於諸榮辱何憂喜。

入深山。住蘭若。岑崑幽邃長松下。優游靜坐野僧家。閒寂安然實瀟灑。
覺卽了。不施功。一切有爲法不同。住相布施生天福。猶如仰箭射虛空。
勢力盡。箭還墜。招得來生不如意。爭似無爲實相門。一超直入如來地。
但得本。不愁末。如淨瑠璃含寶月。既能解此如意珠。自利利他終不竭。
江月照。松風吹。永夜清宵何所爲。佛性戒珠心地印。霧露雲霞體上衣。
降龍鉢。解虎錫。兩鈷金環鳴歷歷。不是標形虛事持。如來寶杖親蹤跡。
不求眞。不斷妄。了知二法空無相。無相無空無不空。卽是如來眞實相。
心鏡明。鑑無碍。廓然瑩徹周沙界。萬象森羅影現中。一顆圓光非內外。
豁達空。撥因果。莽莽蕩蕩招殃禍。棄有著空病亦然。還如避溺而投火。
捨妄心。取眞理。取捨之心成巧僞。學人不了用修行。眞成認賊將爲子。
損法財。滅功德。莫不由斯心意識。是以禪門了却心。頓入無生知見力。
大丈夫。秉慧劍。般若鋒兮金剛燄。非但空摧外道心。早曾落却天魔胆。

震法雷。擊法鼓。布慈雲。兮洒甘露。龍象蹴踏潤無邊。三乘五性皆醒悟。

雪山肥膩更無雜。純出醍醐我常納。

一性圓通一切性。一法徧含一切法。一月普現一切水。一切水月一切攝。
諸佛法身入我性。我性同共如來合。一地具足一切地。非色非心非行業。
彈指圓成八萬門。剎那滅却三祇劫。一切數句非數句。與吾靈覺何交涉。
不可毀。不可讚。體若虛空沒涯岸。不離當處常湛然。覓卽知君不可見。取不得。

捨不得。不可得。中只麼得。

默時說。說時默。大施門開無壅塞。有人問我解何宗。報道摩訶般若力。
或是或非人不識。逆行順行天莫測。吾早曾經多劫修。不是等閒相誑惑。
建法幢。立法旨。明明佛敕曹溪是。第一迦葉首傳燈。二十八代西天記。
法東流。入此土。菩提達摩爲初祖。六代傳衣天下聞。後人得道何窮數。
眞不立。妄本空。有無俱遣不空空。二十空門元不著。一性如來體自同。

心是根。法是塵。兩種猶如鏡上痕。痕垢盡除光始現。心法雙忘性即真。
嗟末法。惡時世。衆生福薄難調制。去聖遠兮邪見深。魔強法弱多冤害。
聞說如來頓教門。恨不滅除如瓦碎。作在心。殃在身。不須冤訴更尤人。欲得不
招無間業。莫謗如來正法輪。

梅檀林。無雜樹。鬱密森沉獅子住。境靜林間獨自遊。走獸飛禽皆遠去。
獅子兒。衆隨後。三歲便能大哮吼。若是野干逐法王。百年妖怪虛開口。
圓頓教。沒人情。有疑不決直須爭。不是山僧逞人我。修行恐落斷常坑。
非不非。是不是。差之毫釐失千里。是則龍女頓成佛。非則善星生陷墜。
吾早年來積學問。亦曾討疏尋經論。分別名相不知休。入海算沙徒自困。
卻被如來苦呵責。數他珍寶有何益。從來踏蹬覺虛行。多年枉作風塵客。
種性邪。錯知解。不達如來圓頓制。二乘精進沒道心。外道聰明無智慧。
亦愚癡。亦小昧。空拳指上生實解。執指爲月枉施功。根境法中虛捏怪。

不見一法卽如來。方得名爲觀自在。了則業障本來空。未了應須還宿債。
飢逢王膳不能餐。病遇醫王爭得瘥。在欲行禪知見力。火裏生蓮終不壞。
勇施犯重悟無生。早時成佛於今在。

師子吼。無畏說。深嗟懵懂頑皮。祇知犯重障。菩提不知如來開秘訣。

有二比丘犯姪殺。波離螢光增罪結。維摩大士頓除疑。猶如赫日消霜雪。

不思議。解脫力。妙用恒沙也無極。四事供養敢辭勞。萬兩黃金亦消得。粉身碎
骨未足酬。一句了然超百億。

法中王。最高勝。恒沙如來同共證。我今解此如意珠。信受之者皆相應。
了了見。無一物。亦無人。亦無佛。大千沙界海中漚。一切聖賢如電拂。

假使鐵輪頂上旋。定慧圓明終不失。日可冷。月可暖。衆魔不能壞真說。

象駕崢嶸漫進途。誰見螳螂能拒轍。大象不遊於兔徑。大悟不拘於小節。莫將
管見謗蒼蒼。未了吾今爲君訣。

(完)

永嘉真覺大師證道歌

舒州沙門彥琪註

從緣悟入之謂證。千聖履踐之謂道。吟詠其道之謂歌。故曰證道歌也。或云無修無證者。乃諸散聖助佛揚化。已於往昔證道。不復更證。譬如出鑛黃金。無復爲鑛。卽寶公萬回寒山拾得高頭陀。傳大士等是也。旣有所證。須求師印。可方自得名爲證。自威音王佛已前卽可。自威音王佛已後。無師自悟。盡屬天然。外道是故。二十五大士。所證圓通。從佛印證。善財叅五十三位。知識從知識印證。乃至西天此土。諸位祖師。遞相印證。所謂佛佛授手。祖祖相傳也。大師因看涅槃大經。悟入往曹溪六祖。卽可。師到日。值祖坐次。繞禪牀三匝。振錫一下。卓然而立。祖曰。夫沙門者。具三千威儀。八萬細行。行

行無虧。大德從何方而來。生大我慢。師曰。生死事大。無常迅速。祖曰。何不體取無生了無速乎。師曰。體卽無生了。本無速。祖曰。如是如是。須臾禮辭。祖曰。返太速乎。師曰。本自非動。豈有速乎。祖曰。誰知非動。師曰。仁者自生分別。祖曰。汝甚得無生意也。師曰。無生豈有意。祖曰。若無意。誰生分別。師曰。分別亦非意。祖歎曰。善哉善哉。旣蒙印可。方得名爲證也。實非諸位小乘。天魔外道。未得謂得。未證謂證。古德云。世間文字法師。暗證禪人。爲佛法大患。誠可哀哉。今所證者。則異於是。卽無生法忍也。此之大定。具足六法。一。正宗非異證。二。圓契非空證。三。究竟不異證。四。設利下濟證。五。道由法爾證。六。了義非偏證。故得名爲證也。然如是猶涉義路。譬如有人撚空爲線。欲其成就。徒廢精神。若是本分衲僧。腦後眼開。當自知矣。

無相大師行狀

翰林學士朝散大夫行左司諫知制誥同修國史判史館事柱

國南陽郡開國侯食邑一千一百戶賜紫金魚袋 楊億 述

温州永嘉玄覺禪師者永嘉人也。姓戴氏。四歲出家。徧探三藏。精天台旨觀。圓妙法門。於四威儀中。常冥禪觀。後因左谿朗禪師激勵。與東陽策禪師同詣曹谿。初到。振錫攜瓶。繞祖三匝。祖曰。夫沙門者。具三千威儀。八萬細行。大德自何方而來。生大我慢。師曰。生

死事大。無常迅速。祖曰。何不體取無生了無速乎。曰。體卽無生了本無速。祖云。如是如是。于時大眾無不愕然。師方具威儀參禮。須臾告辭。祖曰。返太速乎。師曰。本自非動。豈有速耶。祖曰。誰知非動。曰。仁者自生分別。祖曰。汝甚得無生之意。曰。無生豈有意耶。祖曰。無意誰當分別。曰。分別亦非意。祖歎曰。善哉善哉。少留一宿。時謂一宿覺矣。策公乃留師。翌日下山。迴溫江。學者輻湊。號眞覺大師。著禪宗悟修圓旨。自淺之

深慶州刺史魏靜緝而序之成十篇。自爲永嘉集。及證道歌一首。並盛行于世。其辭曰。

君不見。

君之一字。指決之辭。於斯薦得。總持門開。親見祖師。本來面目。百千三昧。無量妙義。皆從此出。所以善財。叅見眾藝童子言。我常唱此字母。入般若波羅蜜門。則知一字法門。海墨書而不盡也。於此不明。設使辭同炙煉。辯瀉懸河。翻被文字語言流浪。無有了期。日來月往。翰墨雲興。歲久時長。編卷山積。空懷永歎。惘怫長嗟。心地法門。遠矣。古德云。學道先須有悟由。還如爭鬪快龍舟。雖然舊閣閑田地。一度贏來方始休。以此而推。須有發明。悟入始得。故云。最初一句。同道方知。

絕學無爲問道人。

絕學者。絕世間之學。學無爲之學。世間之學者。非出離故也。無爲學者。非小乘有爲。入大乘無爲也。小乘有爲。非究竟也。學般若菩薩。與法冥合。於一切法。應無所住。心無罣礙。得大自在。作而無作。爲而無爲。故云絕學無爲。問道人也。問道人者。與道相應。不爲塵勞拘縛。故名爲問道。良由一切眾生。從無始來。以至今日。背覺合塵。於諸幻境。念念之中。隨逐諸塵。無有暫捨。何由出離。學道之人。能轉萬物。不爲萬物所轉。目對千差。心閒一境。水邊林下。長養聖胎。看月色以逍遙。聽泉聲而自在。故曰絕學無爲。問道人也。

不除妄想不求真。

所言妄想者。卽虛妄想念也。良由一切眾生十二時中。攀緣之心。無有間斷。心如念水之龜。意似迎風之鳥。未嘗停息。故名凡夫也。所言眞者。卽一眞佛性也。今此道人。與法相應。不落凡聖二途。亦乃簡異二乘也。小乘之人。厭離世間生死。樂求界外涅槃。學般若菩薩。會萬法歸於自己。故云不除妄想。不求眞也。故修山主云。具足凡夫法。凡夫不知具足聖人法。聖人不會。聖人若會。卽是凡夫。凡夫若知。卽是聖人。此兩則語。是一理二義。傳云。若辨得。不妨於佛法中。有箇入處。若辨不得。莫道不疑。

無明實性卽佛性。

無明者。無般若大智之明也。佛性者。卽究竟清淨覺性也。從無始已來。虛生浪死。不能出離。皆因無明而流轉也。故知無明。卽根本煩惱也。爲八萬塵勞之根。作十二因緣之首。河沙煩惱。由此而生。塵